

宣統三年十月初九日 星期三 第九十八號

內閣印鑄局發行

東長安牌樓王府井大街
電話 東局二百零一號

內閣官報

內閣官報條例摘要◎第一條 內閣官報為公布法律命令之機關凡 諭旨章奏及頒行全國之法令統由內閣官報刊布◎第二條 凡京師各衙門通行京外文書均由內閣官報刊布各衙門毋庸再以文書布告其各衙門單行文件並非通行及未便公布者仍應自用文書傳達◎第三條 凡法令除專條別定施行期限外京師以刊登內閣官報之日起各行省以內閣官報遞到之日起即生一體遵守之効力其各行省先期接有官發印電者不在此限◎第四條 凡未經內閣官報刊布之章程摺奏有在商辦報章登載者不得援據◎第六條 各省布政司衙門應於所屬科員中特派一員經理寄送內閣官報及收集報費事宜並將該員銜名申報內閣年終彙總考成有延誤者照遺誤公文例懲處其無布政司省分由該省督撫飭令度支司派員辦理◎第十一條 京外大小官署均有購讀內閣官報之義務

目錄

宣統三年十月初九日 第九十八號

宮門鈔

諭旨三道

交 旨二道

事由單

通行文件

郵傳部通行各衙門派員前往梁格莊行禮應

用火車請先期知照文

典禮院通行各衙門造送關於

朝會應到

官員清冊等文

摺奏

度支部奏核覆北洋機器局收支各款摺

又奏核覆山東漕糧等款銀米奏銷摺

掣簽單

內閣九月分發人員掣簽單

又七品小京官都應歡分部單

廣告

奉宮門鈔

十月初八日

勞乃宣謝授大學堂總監督 恩

恭王 海公各請假十日 卓凌阿續假五日

奉諭旨

監國攝政王鈐章

十月初八日內閣奉

上諭疊據內閣呈遞第一軍總統馮國璋電稱武昌革黨於九月二十六日遣悍黨二千餘人由漢河上游駝騾口潛師渡河抄襲官軍右翼後路當經馮國璋分兵迎擊黨衆潰敗官軍踵躡渡河該黨防禦極固並多次反攻經官軍節節奮擊次第克復蔡甸四平山黑山梅子山龜山等處初七日申時克復漢陽當兩軍酣戰之際黨衆由武昌遣兵數支渡江襲擊官軍左翼後路之三道橋叛艦海容等船協力猛攻均經官軍一再擊退各等語武昌此次兵變自稱係爲政治競爭朝廷本不忍以兵力從事經飭督師大臣袁世凱暫停進攻疊委道員劉承恩海軍正參領蔡廷幹馳往漢口武昌反復開導該黨首黎元洪迄不就撫仍復左右進攻襲擊官兵甚力實屬甘心擾亂治安荼毒生靈幸前敵將士深明大義忠勇奮發得以克復重鎮深堪嘉尙馮國璋著賞給二等男爵其餘出力將弁著馮國璋查明擬獎候旨

施恩其傷亡兵弁著一併查明具奏分別從優撫卹以作士氣而慰忠魂欽此

袁世凱壽勳署名

監國攝政王鈐章

十月初八日內閣奉

上諭內閣奏第二鎮統制官馬龍標因病呈請開去差使等語馬龍標著准其開去統制官差使欽此

袁世凱壽勳署名

監國攝政王鈐章

十月初八日內閣奉

上諭內閣奏請簡統制差缺陸軍第二鎮統制官著王占元充補並賞加陸軍副都統銜欽此

袁世凱壽勳署名

交旨

十月初八日

監國攝政王鈐章

欽奉

諭旨內閣代遞大學士那桐奏因病請假一摺那桐著賞假十日欽此

袁世凱署名

監國攝政王鈐章

欽奉

諭旨內閣代遞柯劭忞等奏調用人員刊刻關防一摺著依議欽此

袁世凱署名

事由單

十月初八日傳 旨內摺事由單

內務府 奏二十三為馬致祭請 派員行禮事奉 旨留欽此

又 奏擬請嗣後 大高殿等處辦道場按年彙奏事奉 旨留欽此

又 奏二十一日 德宗景皇帝三週年禮在 護國寺等處念經事奉 旨留欽此

又 奏二十二日 孝欽顯皇后三週年禮在 護國寺等處念經事奉 旨留欽此

十月初八日 監國攝政王鈐章奉 旨內摺事由單

法部 奏核定京師秋審情實人犯摺奉 旨依議欽此 袁世凱沈家本假署名

又 奏核定京師秋審緩決人犯摺奉 旨依議欽此 袁世凱沈家本假署名

又 奏核定京師秋審緩決官犯摺奉 旨依議欽此 袁世凱沈家本假署名

內閣官報

十月初九日第九十八號

通行文件

郵傳部通行各衙門派員前往梁格莊行禮應用火車請先期知照文

爲通行事路政司案呈宣統三年十月初一日內閣官報登載典禮院奏

德宗景皇帝

三周年致祭請

派員前往行禮一摺內開本年十月二十一日梁格莊行宮暫安處

德宗景皇帝几筵前行三周年禮讀文致祭經 院奏准遣王恭代行禮所有宗室王貝勒貝子公等前往行禮援照成案由宗人府具奏文職武職各大員前往行禮向由吏部陸軍部具奏茲據內閣陸軍部劃歸 院辦理並由 院知會宗人府同日奏派三分之一之半前往行禮其各衙門司員由該堂官照例派往等因宣統三年九月二十八日奉 旨依議欽此查各衙門派往行禮人員如需乘坐由京至梁格莊火車希即先期將員名人數火車等第行李車馬件數知照過部以便飭局預備車輛並填備免票發交應用相應咨行貴閣查照希即刊登官報通行各貴部院衙門查照辦理可也

典禮院通行各衙門造送關於 朝會應到官員清冊等文

爲通行事恭照道光十七年十月十九日內閣鈔出奉 上諭朝會大典理宜整齊嚴肅

以崇體制嗣後著鴻臚寺遵照會典如有應到之員違悞不到者即指名參奏勿得視爲具文欽此欽遵在案禮部現改爲典禮院仍應查照前鴻臚寺成案辦理啟疏預備奏請 皇上陸殿自本年四月起至九月底止所有陸遷調補加級紀錄開復議敘分部奏留各項奏獎官

員等均應一體謝 恩相應咨呈貴閣查照交印鑄局刊登官報通行各部院衙門並八旗等處速卽詳細查明造具清冊務於十日內咨送過院以憑恭繕啟疏事關 朝會大典萬勿遺漏遲延如各部院衙門等處無員開送亦卽據實聲覆可也

奏摺 奏 財政類

度支部奏核覆北洋機器局收支各款摺

奏爲核覆北洋機器局收支各款恭摺仰祈

聖鑒事竊准北洋大臣直隸總督陳夔龍將北洋機器局光

緒三十四年暨宣統元年分收支各款分別造具清冊咨部核銷具奏前來臣等督飭司員詳加核算謹逐款
出具案語恭呈 御覽 一冊造舊管實在不敷庫平銀一萬八千三百三十八兩一錢八分五釐七毫三

絲九忽查此款與上屆銷案內列實在數目不符經臣部行查去後旋據復稱該機器局自庚子之後東海江
海津海三關解款歸海防支應局代收該支應局尙存未解銀二十四萬八千一百二十四兩三分六釐四毫
自應將此款登除以清界限至支應局所存之款已經清理財政局核對無訛等語查支應局未解銀二十四
萬八千一百二十四兩三分六釐四毫內除該局上屆實存銀二十二萬九千七百八十五兩八錢五分六毫
六絲一忽此案所列不敷銀數尙屬相符 一冊造新收光緒三十四年收海防支應局發給製造經費庫平
銀四十四萬兩電燈機器鍋爐庫平銀二萬三千七百六十六兩八錢六分六釐七毫三十三年稅捐庫平銀
九千四百二十二兩二錢一分前辦局務臬司王仁寶移交原領常年經費尾款庫平銀二千一百二十一兩
三錢三分七釐五毫防護隊薪餉武庫薪費庫平銀八千二百九十八兩二分三釐秋冬兩季官醫薪工並外
科傢具庫平銀九千二百八十兩又東三省劃還代造機器軍火價庫平銀七萬九千五百三十七兩五錢八
分二釐熱河都統劃還代造軍火價庫平銀一千八百二十一兩三錢二分二釐本局歷年扣用平餘雜款庫
平銀八萬五千三百二十兩一錢四分七釐七毫共庫平銀六十五萬九千五百六十七兩四錢七分八釐九
毫宣統元年分收海防支應局發給製造經費庫平銀四十七萬六千六百六十六兩六錢六分七釐防護隊
薪工口糧庫平銀一萬八百八兩四錢八分二釐武庫薪水公費庫平銀一千九十兩二釐官醫處薪水藥費

庫平銀二千四百六十一兩補領三十四年分墊辦電燈機器房工料價庫平銀一萬三千十三兩四錢九分九釐補領三十四年分墊辦添蓋鍋爐廠房屋鐵棚工料價庫平銀二千四百四十九兩九錢二釐補領三十四年分局製造機器添蓋鋸房等工料價庫平銀一萬六千四百二兩六錢一分九釐又東三省劃還訂製槍子價庫平銀一萬五千八百四十三兩九錢八分八釐熱河都統劃還無鉛箭槍子價庫平銀九百十八兩津浦鐵路劃還代造器件工料價庫平銀一千六百二十五兩三錢九分二釐德州署代造德律風鐵架工料價庫平銀八兩一錢一分九釐補領工程機器稅捐並本局購料扣用平餘等雜款庫平銀八萬十三兩七錢二分三釐七毫共庫平銀六十二萬一千三百一兩三錢九分三釐七毫二共庫平銀一百二十八萬八百六十八兩八錢七分二釐六毫查以上各款按冊核算散總尙符惟三十四年分列收海防支應局各款檢查是年該支應局報部銷冊並無發給前列各項款目究竟因何與支應局銷冊不符應令查明聲復至宣統元年分該支應局銷冊未據造送到部所有是年分列收支應局各款應俟該局造報到日再行核對此外各款既據聲叙明晰應准列收 一冊造開除光緒三十四年分員司書識武弁等薪水兵夫口糧公費等項庫平銀四萬五千九百十四兩四錢九分四釐三毫機器槍子等十二廠匠徒工食並雜匠工價庫平銀九萬一千三百六兩六錢三釐二毫防護隊薪糧工隊工食軍械武庫薪費官醫處薪水庫平銀一萬四千三百二十兩七錢三分七釐四毫員弁川資津貼伙食匠徒衣褲各項賞恤及津德兩處雜支庫平銀九千七百六十五兩五錢一分八釐七毫六絲一忽共十六萬一千三百七兩三錢五分三釐六毫六絲一忽宣統元年分員司書識武弁等薪水兵夫口糧公費等項庫平銀五萬九千四十兩九錢九分四釐機器槍子等十二廠匠徒工食並雜匠工價庫平銀十萬四百十三兩八錢一釐四毫物料稅捐添建工程等項庫平銀一千三百六兩四錢九分四釐七毫防護隊薪糧工隊工食軍械武庫薪費官醫處薪水藥費等項庫平銀二萬一百六十七兩九錢

二分四釐三毫川資津貼伙食恩餉實恤工匠衣褲德津兩處雜支庫平銀一萬七千一百十四兩七錢二分四釐共十九萬八千四十三兩九錢三分八釐四毫二共三十五萬九千三百五十一兩二錢九分二釐六絲一忽按册核算數目相符應請准銷。統計此案共請銷庫平銀一百二十五萬六千五百六十二兩五錢四分七釐九毫六絲一忽內除陸軍部應銷光緒三十四年分庫平銀四十五萬九百二十二兩二錢八分九釐九毫宣統元年分庫平銀四十四萬六千二百八十八兩九錢六分六釐共庫平銀八十九萬七千二百一十一兩二錢五分五釐九毫應由陸軍部自行核辦外計臣部核銷銀三十五萬九千三百五十一兩二錢九分二釐六絲一忽實存庫平銀五千九百六十八兩一錢三分八釐九毫應令造入下屆舊管項下報部查核恭候
命下卽由臣部行知北洋大臣遵照所有核覆北洋機器局用款緣由理合恭摺具陳伏乞 皇上聖鑒謹 奏宣統三年九月初四日奉 旨知道了欽此

度支部奏核覆山東漕糧等款銀米奏銷摺

奏爲覈覆山東省漕糧等款銀米奏銷恭摺仰祈 聖鑒事竊據山東巡撫孫寶琦咨稱山東省宣統二年起運元年分漕糧薊糧漕項銀米各款造具册揭咨送前來臣部按册逐款覈覆開列於後 一册開額徵正改兌正耗米麥豆三十四萬二千九百三十四石五斗三升四合八勺內留儲薊糧米二萬八千五百石內齊東等州縣被災攤緩米一千七百五十八石緩至宣統二年秋後啓征實徵薊糧米二萬六千七百四十二石內撥運青州兵米二千四十六石下剩薊糧米二萬四千六百九十六石每石折銀二兩共銀四萬九千三百九十二兩奉文撥解北洋陸軍第四鎮兵餉匯解糧餉局兌收訖應徵漕米麥豆三十一萬四千四百三十四石五斗三升四合八勺內東阿等州縣應豁並攤蠲米麥豆一千一百二十九石四斗八升三合二勺又歷城等州縣並河南祥符歸併曹縣被災攤緩米麥豆三萬八千三百一十石九斗一合緩至宣統二年秋後啓徵

又撥給運青米一萬三千六十石四斗八升二合五勺又撥給登萊青三府廣仁堂米二百八十八石三斗四合三勺又撥給 東陵兵米七萬一千九百六十一石一斗四升一合四勺二抄每石折銀二兩六錢共

銀一十八萬七千九十八兩九錢六分七釐六毫九絲二忽委解交納訖又撥給 西陵兵米三萬八千

二十四石三斗三升二勺五抄每石折銀二兩六錢共銀九萬八千八百六十三兩二錢五分八釐六毫五絲委解易州兌收訖又撥給密雲等十四處駐防兵俸米二萬一千二百一十九石六斗四升八勺每石折銀二

兩共銀四萬二千四百三十九兩二錢八分二釐委解部庫交納訖下剩漕米一十三萬四百四十石二斗五升一合三勺三抄每石折銀二兩共銀二十六萬八百八十兩五錢二釐六毫六絲內奉文撥解北洋陸軍第

四鎮兵餉銀一十八萬六百八兩匯解天津北洋陸軍糧餉局兌收訖又撥作增認練兵經費陸軍第五鎮兵餉銀八萬二千七十二兩五錢二釐六毫六絲委解駐濟陸軍糧餉分局訖又額徵漕項正銀九萬一千五百

四十七兩五錢四釐耗銀一萬二千八百一十六兩六錢五分二釐內東阿縣應豁正銀六十八兩九錢七分耗銀九兩六錢五分四釐又東平等州縣被災攤蠲正銀三百一十二兩九錢四分七釐耗銀四十三兩八錢

一分三釐又歷城等州縣被災攤緩銀二千七百一十兩八錢二分四釐耗銀三百七十九兩五錢一分八釐內濟陽等縣災前已完解司正銀六十兩九錢五分三釐耗銀八兩五錢三分四釐實緩正銀二千六百四十

九兩八錢七分一釐耗銀三百七十兩九錢八分四釐緩至宣統二年秋後啓徵應徵正銀八萬八千四百五十四兩七錢六分三釐內歷城等州縣隨緩漕項下應徵銀六千五百二十五兩二錢三分三釐已完正銀八

萬一千一百九十六兩二錢二分一釐未完正銀七百三十三兩三錢九釐應徵耗銀一萬二千三百八十三兩六錢六分七釐內已完耗銀一萬二千二百八十一兩五釐未完耗銀一百二兩六錢六分二釐又額徵行

糧潤耗米四萬六千七百五十一石八斗六升九合三勺內東阿等州縣應豁米三十二石八斗六升七合九

勺又東平等州縣被災攤蠲米三十六石五斗四升六勺又歷城等州縣被災攤緩米五千四百五十七石六升八合緩至宣統二年秋後啓徵應徵米四萬一千二百三十一石六斗九升二合八勺又漕薊糧石耗折兌費共銀一十七萬一千八百四兩八錢一分八釐又行糧潤耗正價並耗折共銀九萬三千二十九兩三錢四分一釐以上漕薊耗折兌費及行糧潤耗正價耗折均歸入節省湊解償款解赴上海道兌訖等語查前項額徵漕米麥豆並漕項銀米臣部按册核算數目相符其撥運青州兵米應令該撫轉飭造入青州兵米報銷案內送部查核又撥給登萊青三府廣仁堂米石臣部核與歷支之數符合又撥給

東陵

西陵

及密雲等處駐防俸米石折價暨撥給北洋陸軍第四鎮兵餉及第五鎮駐濟陸軍餉銀臣部覈與各處兌收及准撥之案均符至漕薊糧石耗折兌費等款銀兩湊解償款應俟該省專案報部再行查覈其歷城等州縣被災攤緩漕糧漕項銀米均稱緩至宣統二年秋後啟徵應令該撫轉飭速即催徵完解毋得遲延至隨緩漕項下據册稱已解司銀六千五百九十九兩四錢六分尙欠解銀四百六十五兩七錢七分三釐現在查追等語查欠解銀兩應令該撫趕緊查追完解歸款並令將前項解司之款一併入於下屆奏銷舊管項下報部查核再該省未將耗羨清册造送所有收支各款應俟册籍到部另行覈辦 一册開舊管漕項正銀二萬九千九百七十一兩五錢四分二釐漕項米無項新收各屬並外收撥收共銀八萬五千七百三十一兩一錢九分一釐漕項米四萬一千二百三十一石六斗九升二合八勺等語查前項舊管漕項銀兩臣部覈與上屆奏銷案內實存之數相符新收銀米按册覈算亦符 一開除解赴倉場輕賣折席共銀一萬二千五百六十九兩四錢八分三釐等語查前項解赴倉場輕賣折席銀兩臣部覈與倉場兌收及該員呈驗批廻之數相符 一湊解償款動用隨漕並隨薊輕賣等銀四萬二千五百五十九兩一錢四分又動用漕項米四萬四百四十七石五斗三升九合四勺遵照正價折銀連同耗折解上海道兌收訖等語查前項湊解償款銀米應俟該省彙案報部再

行查核 一奏解增認練兵經費銀三萬七千七百二十七兩四錢九分七釐三毫四絲解赴駐濟陸軍第五鎮糧餉局兌收訖等語查前項奏解陸軍糧餉臣部核與准撥之案相符 一解宣統二年黃河防汛經費動用漕項銀一萬一千三百八十二兩八錢四分等語查前項奏解黃河防汛經費銀兩臣部覈與准支之案相符 一隨運青漕糧並撥給廣仁堂漕糧扣解司庫共銀一千一百兩六錢二分九釐造入宣統三年春撥冊內報部撥用等語查前項運青漕糧並撥給廣仁堂漕糧扣解司庫銀兩臣部查與該年春撥冊內之數相符 一隨運青漕糧支給運米車夫腳價盤費並行糧腳價共銀一千六百八十一兩四錢一分四釐等語查前項隨運青漕糧支給運米車夫腳價銀兩係屬籠統開列無憑覈辦應令該省分晰某縣某款造具清冊送部再行查核 一鄒平等州縣運青米六百八十九石九斗一升七合七勺等語查前項撥運青州兵米應歸青州兵米案內核結 一章邱縣撥給廣仁堂米一十一石六斗九升五合七勺又章邱濟陽二縣運青米八十二石五斗四升等語查前項撥給廣仁堂米石臣部覈與歷支之數相符其運青米石應歸青州兵米案內覈結 一實存漕項正銀一萬九百八十一兩七錢二分九釐六毫六絲漕項米無項等語查前項實存漕項銀兩臣部覈與應存之數相符應令該撫飭司造入下屆漕項奏銷舊管項下報部查核 一濟甯鄆城聊城三州縣收併裁缺濟甯臨清東昌三衛未完漕項正銀七百三十三兩三錢九釐耗銀一百二兩六錢六分二釐今將經催接催經管接管經徵接徵各職名開列送部覈議等語查前項濟甯等州縣收併裁缺濟甯等三衛未完正耗銀兩臣部覈與應參分數相符據該撫開具職名冊揭到部應由臣部查照新章咨送內閣核議至濟甯鄆城聊城等州縣未完正耗銀兩應令該撫轉飭速即催徵完解勿任延欠所有臣等覈覆緣由理合恭摺具陳伏乞 皇上聖鑒謹 奏宣統三年九月十六日奉 旨知道了欽此

掣籤單

內閣九月份分發人員掣籤單

耶中 黃傳詢民政部

小京官 趙桂芬郵傳部 袁馨民政部 高光奎學部 蔣士侗法部

司務 王錫綸學部 趙燦學部 張雲如學部 陳珩學部 茅恩炳學部

通判 賀宗儒雲南

知縣 李文松湖南

直州判 梁常泰直隸 李汝梅廣東 李鳴九廣東 林孟傳湖南 榮椿山西

府經歷 李耀邦廣東 曹師植湖南

縣丞 李澄清廣東 黃宗谷湖南 鄧鴻翔廣西 劉篤一江西 梁材鴻廣東

又七品小京官鄒應歡分部單

七品小京官 鄒應歡法部

啓者本報定章收費一律現洋概不收取郵票遠省定購請由郵局匯洋以歸劃一 本報謹啓

●本局新出各種要書 (憲批照章折扣)

奏定各省諮議局並選舉各章程一册大洋一角五分○諮議局章程及選舉章程解釋彙鈔已出十一册每册大洋壹角○憲政分年籌備事宜表一册大洋貳角○憲法大綱一册大洋六分○奏定城鎮鄉地方自治章程一册大洋一角○京師地方自治章程一册大洋一角二分○資政院議員選舉章程一册大洋一角○欽定府廳州縣地方自治章程一册大洋一角

●本局新印 考察政治大臣編譯各書廣告

- 日本統計釋例 每部二册價銀六角
- 日本憲政略論 每部一册價銀一角
- 駐奧使館報告書 每部一册價銀三角
- 日本議會誌法 每部二册價銀八角
- 比國政治要覽 每部一册價銀三角
- 日本憲法疏證 每部二册價銀六角
- 日本官制通覽 每部一册價銀三角
- 新出英國政府答問 合訂一册價銀一角五分
- 新出英國臣民答問 每部一册價銀一角
- 新出英國財政答問 每部價洋拾元
- 核訂現行刑律案語 每部價洋拾元
- 日本憲法說明書 每部一册價銀四角
- 譯書提要 每部一册價銀一角
- 日本政治要覽 每部二册價銀六角
- 法國政治要覽 每部一册價銀三角
- 日本丙午議會 每部一册價銀四角
- 英國財政要覽 每部一册價銀三角
- 新出英國議院答問 每部一册價銀二角五分
- 新出英國地方自治答問 每部一册價銀一角五分
- 新出英國皇室制度答問 每部一册價銀一角五分

以上各種均為講求法政最要之書北京琉璃廠上海棋盤街商務印書館內均有代售彙批五十部以上九折百部以上八折千部以上七折外埠郵費照遠近酌加 總發行所北京王府井大街內閣印鑄局